

E Mini-Ministro cu a resulta un Gigante den su trabao

E aña aki ta cerando y prome cu e yega su fin, tin un persona cu e aña aki, mas cu den e 3 añanan anterior a bin hopi den noticia, a bira un figura popular riba nos isla, y na mes momento tabata tin tambe su periodonan impopular, sinembargo semper a mantene su mes como un cabayero. (aunke de vez en cuando e beis por subi di mas)

Esaki ta e "Mini-Ministro", e apodo cu a ser duna na vocero di gobierno, encargado di Consejo di Ministro pa asuntonan relaciona cu medionan di comunicacion, Drs. Rene Herdé.

Rene ta pone fin na su trabao como vocero di gobierno y na mes momento perde su titulo (cu el a gana popularmente) "Mini-ministro". Mi mester bisa cu e palabra "Ministro" (sin cartera) lo a cay mihor pe.

Rene Herde ta di 3 vocero o encargado di Consejo di Ministranan desde 1986.

Nos a conoce Sr. Mike Eman, tambe Sr. Franklin Oduber prome cune. Cada un a ehecuta nan tarea segun nan talento y estilo.

Rene Herde, sinembargo a haya cu mes cu mucho mas trabao cu e otronan, pasobra den su periodo el a ocupa su mes cu cantidad di medionan di comunicacion cu a aumenta riba nos isla, principalmente radioemisoranan y dos canal di television mas y na mes momento mester a coordina cu 7 ministro y cu Staten.

Na hopi ocasion el a wordo tilda di ta partidario, di ta vocero di partido, di ta esaki of esaya, sinembargo, den e posicion cu e tabata aden, e mester papia palabra di **SU HEFENAN** si e kier of no, si e ta gusta of no, si e ta contra of no. Pesey e ta vocero.

E trabao cu el a eherce no ta un trabao facil y mas bien un trabao hopi dificil y mi por papia di esey, pasobra mi tabata den e "avenida di informacion" aki casi 35 aña pasa cu e trabao no tabata manera e ta awe, y cu Donny Lacle (Madam Jeanette) tabata e "diputado / ministro tras di cortina".

PROFESOR, MAESTRO, MENEER, DOCENTE HUNTO

Si tuma e titulonnan menciona aki riba, pa bo ta vocero di gobierno y encargado di prensa pa Consejo di Ministro y Staten, tur e titulonnan aki bo tin cu combina hunto. Tur dia mester mantene contacto cu ministranan.

Bo mester ta na altura di tur informacion cu ta sali y drenta na Consejo di Ministro. Bo mester ta na altura di cada paso cu ta ser tuma den gubernacion, percura pa ora tin conferencianan di prensa pa coordina tur cos cu prensa y asisti ministranan si ta necesario. Percura pa bo tin contesta riba tur pregunta cu medionan di comunicacion haci riba cierto topico.

Ademas di tur esaki, skirbi y prepara discurso pa ministranan pa diferente tipo di ceremonia, inauguracion, apertura, eventonan y actividadnan na cual ministranan ta asisti y mester dirigi palabra.

Asisti na reunionnan di Staten pa ta na altura di kico ta bin dilanti, coordina contacto entre Staten y Consejo di Ministro, y ultimo lunanan bira tambe e "cara di gobierno" durante e asina yama "pressbriefing" cu tabata tin semanalmente.

Esakinan ta trabaoonan cu no ta tur hende por haci, ni si bo ta bini di un medio di comunicacion. Bo mester tin e capacidad y talento pa haci esaki, y mester tin ademas un "lomba hoooooooooiiiiii hanchu."

E lomba hanchu aki, tanto na trabao como na CAS, a haci di "Mini-ministro Rene Herdé un GIGANTE den su trabao.

DIRECTOR DI ORQUESTA POLITICO

Como vocero di gobierno, perschef di Consejo di Ministranan, coordinador di contactonan entre ministranan y Staten, entre miembronan di Staten cu ministranan, y na mes momento den contacto cu medionan di prensa, bo ta bira manera un Director di Orquesta Politico. Politiconan di oposicion ta mirabo como un personahe di politica partidario.

Ora di manifestacionnan cu ta abo ta bin dilanti, e manifestantenan ta mirabo como "muchu manda" di e grandinan cu "tin miedo" di afronta nan. Tur palabra y insulto pa politiconan abo tin cu wanta y tin ora cu asuntonan cu ta bay mucho personal.

Bo ta bira e blanco di "tur hende malcontento" cu un of otro asunto gubernamental of politico.

Como vocero tin ora contestando preguntanan bo mester referi na casonan y hechonan di pasado, y eynan mes ora bo a bira "partidario". Den tur esakinan bo familia ta sufri y wordo negligia tambe, pasobra 7 dia pa siman bo ta riba pia pa ministranan, Consejo di Ministranan, parlamento y gobierno.

Tin biah dos, tres dia sin mira bo yunan y sin conversa cu nan of cu bo casa.

Na school e yunan ta wordo tilda di tur cos como "yunan di mini ministro", y pa tenta otro muchanan ta gana premio mayor.

E yunan tin cu wanta na school y riba caya di loke otro mayornan ta papia den cas politicamente mencionando bo nomber y nan yunan ta trece esaki school of riba caya y tire riba bo yunan.

Cosnan cu sigur no ta agradable.

MINI MINISTRO A BISA AYOooooo !

Otro siman, lo no mira nos mini Ministro Rene Herdé mas pasobra e lo ta ocupa cu otro trabao, bandonando e trabao cu el a ocupa 4 aña na gran satisfaccion di casi tur periodista y medionan di comunicacion.

Un persona cu kende nos a traha cu masha placer. Semper corecto y decente y cu masha respet.

Un persona cu semper tabata cla pa coopera cu informacion y si ta diadomingo mes of dia di fiesta e ta busca e informacion pa bo haya.

Hopi anochi na DIARIO mi a hayami cu Rene Herdé y nunca el a forza un informacion pa sali. Al contrario, ta ami tabata bise cu "tal noticia no ta sali den corant mañan pa tal y tal motibo", y e nunca a bay contra ni protesta.

Despues a resulta cu e tabata muestra si cual informacion tin prioridad riba otronan "si encaso nan ta sali y segun espacionan disponibel".

Un cara cu nos lo haya falta di dje den e trabao aki, pasobra su bishitanan semper tabata masha agradable y tin biah hasta nos ta pone sinta y "mama su gai" sabiendo cu e tin pura.

Gobierno ta perde aki un vocero excelente, admirable y nos ta spera cu su sucesor lo por tin contacto mes agradable cu nos.

Mi ta desea Rene Herdé lo mihor den su trabao nobo v cu e lo no bay play "maxi-ministro" den su siguiente empleo y keda mes mini.

Juby

SOS TELEAYUDA SOS

Anonimo y Confidencial . . .

Bo ta

Sinti'bo

Yen di Miedo . . .

Desespera . . .

Frustra . . .

Tristo . . .

Rabia . . .

Bo So . . .

Of Bo Kier . . .

Djis Comparti . . .

Alegria . . . Algo???

Papia ta Yuda !

NOS TEY PA SCUCHA'BO!

TEL.: 83 11 90

Sapphire

Boutique

NEW YEARS SPECIAL

20%

DESCUENTO

Diaranzon: 30 Dec. '98

Diahuebs : 31 Dec. '98

Situa na Royal Plaza Mall 2ndo Piso.